


二百五十一

250-51



續文獻通考卷之二百五十

續文獻通考館貯庫官書

皇明進士雲間王圻纂輯

仙釋考 釋家法嗣二

南嶽下十一世石霜圓禪師法嗣

黃龍慧南師

揚岐方會禪師

洪州翠巖可真禪師福州人嘗以見慈明自負為金鑿同
善侍者所困乃復求慈明有悟將入滅疾甚苦侍者垂
泣師訶曰汝亦作此見解耶即起趺坐焚香烟起而逝
蔣山贊元覺海禪師字萬宗婺州義烏人姓傅氏大士之

商居誌公道場王荆公深重之元祐元年化讚其真末
曰孰其嗣之我有遺則

瑞州武泉山政禪師

菩提先用禪師

南嶽雙峰寺省回禪師元豐六年辭衆偈曰九十二光陰
分明對衆說遠洞散寒雲幽窓度破月言訖生逝茶毗
齒頂不壞上有五色異光

洪州大寧道寬禪師

潭州道悟悟真禪師

蔣山保心禪師

洪州百丈惟政禪師

明州香山蘊良禪師

潁州南峰惟廣禪師

潭州大瀉德乾禪師

全州靈山本言禪師

安吉州廣法院源禪師元豐八年十月十二日書偈曰雲

鬢霜髭九九年半有義袖盡諸緣廓然笑指浮雲散玉

兔流光照大千擲筆而寂

靈隱德章禪師初住大相國寺西經藏院慶曆八年召入
延春閣下齋明年又宣入內齋後再宣入化成殿齋皇
祐二年乞歸山林養老御批杭州靈隱寺住持賜號明
覺

南嶽下十一世瑯琊覺禪師法嗣

蘇州定慧院超信海印禪師

玉泉務本禪師

洪州泐潭曉月禪師

越州姜山方禪師

福州白鹿山顯端禪師

滁州瑯琊山智遷禪師

泉州京峰洞淵禪師

真州真如院方禪師

宣州興教院坦禪師永嘉牛氏子出家依天衣禪師為興

教第一座時刁景純學士守宛陵衣欲師繼作住持乃

于觀音前祝示夢刁學士刁夜夢牛在興教法座上

乃曰坦首座姓牛又屬牛即出帖請之

江州歸宗可宣禪師漢州人與郭功父相厚而郡守志師

不為禮通抑之乃寄書功父云世緣尚有六年願棄餘

喘托生公家功父妻夢和尚入其室遂孕生子名宣老

期年託問如昔與白雲禪師叙叔姪歷道前事六周而

逝

秀州長水子璿講師一名楞嚴師郡之嘉興人示衆曰道

非言象得禪非議知會意通宗會無別致由是二宗

皆仰之嘗疏楞嚴經行世將作疏夢文殊入口既畢夢

雲集夏竦奏號楞嚴大師肉身葬于真如

南嶽下十一世大愚芝禪師法嗣

南嶽雲峰文悅禪師南昌徐氏子在翠巖處見架桶自
墮落忽然有悟嘉祐七年說偈而化闍維得五色舍利
塔於禹溪之北

蘇州瑞光月禪師

瑞州洞山子圓和尚

南嶽下十一世石霜永禪師法嗣

南嶽福嚴保宗禪師

鄆州大陽如漢禪師

南嶽下十一世浮山遠禪師法嗣

東京淨因院道臻淨照禪師字伯祥古田戴氏子開法之
日英宗遣中使降香賜紫衣袍徽號慈聖上仙神宗召

至慶壽宮賜對甚喜神宗上仙又召至福寧殿說法賜
號淨照禪師元祐八年寂壽八十

廬州興化仁岳禪師泉南人 荆門軍玉泉謂芳禪師

秀州本覺若珠禪師 東京華嚴普孜禪師

南康軍清隱院惟澁禪師 潭州衡嶽寺奉能禪師
宿州定林惠琛禪師

南嶽下十一世寶應昭禪師法嗣

滁州琅琊方鏡禪師

鄆州興陽山希隱禪師

南嶽下十一世石門進禪師法嗣

明州瑞岩智才禪師

南嶽下十一世金山穎禪師法嗣

潤州普慈院崇珍禪師 太平州瑞竹仲和禪師

潤州金山懷賢圓通禪師 越州石佛寺顯忠祖印禪師

安吉州西余山拱辰禪師 蘇州崑山般若寺喜端禪師

南嶽下十一世洞庭月禪師法嗣

蘇州薦福亮禪師

南嶽下十一世伏錫已禪師法嗣

台州黃巖保軒禪師

南嶽下十一世龍華岳禪師法嗣

安吉州西余師子淨端禪師本郡人姓丘氏始見弄獅子
發明心要徃見龍化象印可遂旋里合絲為獅子皮時
被之因號端獅子丞相章公墓其道躬請開法吳山化
風盛播

南嶽下十二世翠巖真禪師法嗣

潭州大瀉慕詰真如禪師臨川聞氏子紹熙二年十月八
日無疾說偈曰昨夜三更風雷忽作雲散長空前溪月
落良久別衆趨寂闍維時舍利斗許大如豆目睛齒爪

不壞門人分塔於京潭

南嶽西林崇奧禪師

南嶽下十二世蔣山元禪師法嗣

明州雪竇法雅禪師

邵州丞熙應悅禪師戴氏子

南嶽下十二世武泉政禪師法嗣

慶善宗震禪師

南嶽下十二世雙峰回禪師法嗣

朗州光國文贊禪師

南嶽下十二世菩提用禪師法嗣

淨土善思禪師

南嶽下十二世定慧信禪師法嗣

蘇州穹窿智圓禪師

南嶽下十二世雲峰悅禪師法嗣

桂州壽寧齊曉禪師

南嶽下十二世玉泉本禪師法嗣

護國齊月禪師

南嶽下十二世淨因臻禪師法嗣

福州長慶惠暹文慧禪師

福州棲勝繼超禪師

南嶽下十二世興化岳禪師法嗣

潭州興化紹清禪師爲母說法以報劬勞

南嶽下十二世興泉芳禪師法嗣

臨江軍慧力善周禪師元祐元年十二月望日沐浴淨髮說偈曰山僧住瑞筠未嘗形言句七十三年來七十二年去言畢而逝五日鬚髮再生

南嶽下十三世大瀉詰禪師法嗣

東京智海普融道平禪師

洪州泐潭景祥禪師南城傅氏子嘗义手夜坐對大賓

七

號祥义手

和州光孝慧蘭禪師自號碧落道人建炎末金虜執見首長酋長問曰聞我名否師曰我惟聞大宋天子名長怒令以鎚擊之鎚至輒斷長驚異乃敬事之經旬親捨薪自焚虜跪伏灼膚者多火絕得五色舍利并其骨北歸所執僧尼悉得自便

潭州東明仁仙禪師

泗州普照曉欽明悟禪師

廬山東林自遵正覺禪師 潭州福巖智禪師

潭州東明遷禪師

南嶽下十三世雪竇雅禪師法嗣

衢州光孝普休慈覺禪師泉州許氏子

南嶽下十三世慶善震禪師法嗣

杭州慶善院普能禪師

南嶽下十三世淨土思禪師法嗣

杭州靈鳳山萬壽法詮禪師

杭州慶善寺隆禪師

南嶽下十四世護國月禪師法嗣

江陵府護國慧本禪師

南嶽下十四世智海平禪師法嗣

東京淨因躡庵繼成禪師宜春劉氏子嘗赴陳太尉良弼

府齋時徽宗私幸觀之見與善華嚴辯論稱曰禪宗玄

妙深極如此淨因才辯亦罕有也

南嶽法輪彦孜禪師龍泉陳氏子

衢州開福崇哲禪師邵州劉氏子

南嶽下十四世泐潭祥禪師法嗣

台州鴻福德興禪師衡陽人

建寧府萬壽慧素禪師紹興二十三年六月書偈而逝

明州香山道淵禪師本郡人嘗言酒市魚行頭一寶所稱
鳴鶴噪一一妙音

建寧府開善木庵道瓊首座上饒人
寶峰景淳智藏梅州人

信州懷玉用宣首座四明彭氏子

明州廬山無相法真禪師江南李主之裔

南嶽下十五世淨因成禪師法嗣

台州瑞巖如聖佛燈禪師

無為軍冶父實際道川禪師崑山狄氏子初為縣令後遭

九

筓忽於杖下大悟遂辭職依東齋謙首座謙為改名道
川且曰汝舊呼狄三川即三耳若能豎起脊梁如川之
增若放倒則依舊狄三也師銘于心隆興初鄭公喬年
漕淮西適冶父虛席迎問法要

南嶽下十一世石霜圓禪師法嗣 臨濟宗

隆興府黃龍慧南禪師信州章氏子熙寧中寂閣維得五
色舍利塔于前山謚普覺禪師

南嶽下十二世黃龍南禪師法嗣

隆興府黃龍祖心實覺禪師南雄鄔氏子黃公庭堅嘗師

續文獻通考

之靈骨定于普覺塔之東謚寶覺禪師

江州東林興龍寺常總照覺禪師延平施氏子母夢授
白芙蓉二柄但得一柄餘委地後生三子伯仲皆不育
總其季也久依南宮為僧元祐詔住相國智海禪院力
辭乃就賜紫伽黎號廣慧三年徐國王奏號照覺禪師
徒衆盈七百六年寂葬全身于雁門塔之東壽六十七
隆興府寶峰克文雲庵真淨禪師陝州鄭氏子崇寧初
寂火葬焰成五色白光上騰烟所至處皆舍利分骨塔
于泐潭新豐

南康軍雲居真如院元祐禪師信州王氏子

潭州大瀉懷秀禪師信州應氏子

瑞州黃蘗惟勝真覺禪師潼州羅氏子

隆興府祐聖法窟禪師潮陽鄭氏子

蘄州開元子琦禪師泉州許氏子

袁州仰山行偉禪師河朔人闍維獲五色舍利塔于寺東

南嶽福巖慈感禪師潼川杜氏子

揚州建隆院昭慶禪師

潭州雲蓋守智禪師劔州陳氏子

續文獻通考

福州玄沙合文明慧禪師

安吉州報本慧元禪師潮州倪氏子坐三十年寂塔全身

峴山

吉州仁山隆慶院慶閑禪師福州卓氏子元豐四年示寂

壽五十五畫工就寫其真首忽自舉次日仍平視闍維

日雲起風作飛瓦折木煙起所至東西南北十里凡草

木砂礫之間皆得舍利如金色計所獲幾數斛蘇子真

中為作記銘

舒州三祖山法宗禪師

上

隆興府泐潭洪英禪師邵武陳氏子

金陵保靈寺圓瑛禪師以五色舍利塔于雨花臺之左

五祖曉常禪師

黃龍元肅禪師

石霜琳禪師

華光恭禪師

上藍順禪師

南安軍雪峰道圓禪師南雄人

蘄州四祖山法演禪師桂州人

南康軍清隱潛庵清源禪師豫章鄧氏子

安州興國院契雅禪師

齊州靈巖山重確正覺禪師

續文獻通考

虔州廣象院曇秀禪師

南嶽高臺寺宣明佛印禪師

蘄州三角山慧澤禪師

南嶽法輪文昱禪師

信州靈鷲慧覺禪師

黃蘗積翠永庵主

廬山歸宗志芝庵主臨江人有偈曰千峰頂上一間屋老

僧半間雲半間昨夜雲隨風雨去回頭不似老僧閒

南嶽下十三世黃龍心禪師法嗣

隆慶府黃龍死心悟新禪師韶州黃氏子生有紫肉幕左

肩右袒如僧伽黎狀茶毗舍利五色塔于晦堂茨室之

北

隆興府黃龍靈源惟清禪師本州陳氏子徐禧黃庭堅皆師友之政和七年寂

隆興府泐潭草堂善清禪師南雄州何氏子

吉州清源惟信禪師

豐州夾山靈泉院曉純禪師

漢州三聖繼昌禪師彭州黎氏子

隆興雙嶺化禪師

泗州龜山水陸院曉津禪師

漳州保福本權禪師臨漳人

潭州南嶽雙峰景齊禪師

溫州護國寄堂景新禪師本郡陳氏子

鄂州黃龍智明禪師

潭州道吾仲圓禪師

南嶽下十三世東林總禪師法嗣

隆興府泐潭應乾禪師袁州彭氏子

廬山開先行瑛廣鑑禪師桂州毛氏子

廬山圓通可仙法鏡禪師嚴州陳氏子

紹興府象田梵卿銳禪師嘉興人

東京褒親旌德院有瑞佛海禪師興化陳氏子

臨江軍慧力院可昌禪師

黃州柏子山棲真院德嵩禪師

廬山萬杉院紹慈禪師桂州趙氏子

南嶽衡嶽寺道辯禪師

吉州禾山甘露志傳禪師

東京褒親旌德寺論禪師 隆興府西山龍泉燕彛禪師

南康軍兜率志恩禪師

福州興福院康源禪師

慧圓上座酸棗干氏子

南嶽下十三世寶峰文禪師法嗣

隆興府兜率從悅禪師贛州熊氏子元祐六年寂無盡居

士張商英遣使特祭塔于龍安之乳峰謚直寂禪師

東京法雲佛智果禪師

續文獻通考

隆興府泐潭湛堂文準禪師興元府梁氏子政和五年寂
闇維得舍利晶光圓潔睛齒數珠不壞塔于南山之陽
廬山慧日文雅禪師

瑞州洞山梵言禪師太平州人

德安府文殊宣能禪師 桂州壽寧善資禪師

南嶽祝融上封慧和尚 瑞州五峰淨覺本禪師

永州太平安禪師 潭州報慈進英禪師

瑞州洞山至乾禪師

平江府寶華普鑑佛慈禪師郡周氏子

瑞州九峰希廣禪師 瑞州黃檗道全禪師

瑞州清涼惠洪覺範禪師郡之彭氏子生爲狂僧誣告抵
罪無盡居士嘗與談論大有省悟後當國復度爲僧改
名德洪又坐與陳了翁黃山谷黨竄海島三年遇赦自
便所著有甘露集林間錄冷齋夜話天厨禁齋金剛楞
嚴經註

禪林僧寶傳建炎二年示寂于同安太尉郭天民奏賜寶
覺圓明之號

衢州超化靜禪師

續文獻通考

南嶽石頭懷志庵主婺州吳氏子崇寧初寂于最樂園茶
毘收骨塔于乳峰之下

婺州雙溪印首座一日偶書曰折脚鑄兒謾自煨飯餘長
自坐堆堆一從近日生涯拙百鳥啣花去不來

南嶽下十三世雲居祐禪師法嗣

智海智清禪師

廬山羅漢院系南禪師汀州人張氏子

潭州慈雲秀隆禪師 鄂州子陵山自瑜禪師

隆興府東山景福省悅禪師

亳州白藻清儼禪師信州人

台州寶相元禪師

信州永豐慧日庵主本郡丘氏子

泉州南峰永程禪師

南嶽下十三世大瀉秀禪師法嗣

潭州大瀉祖璿禪師福州吳氏子

南嶽福巖文演禪師 南嶽南臺允恭禪師

南嶽下十三世黃蘗勝禪師法嗣

成都府昭覺純白紹覺禪師

南嶽下十三世宥聖岩禪師法嗣

道林了一禪師

南嶽下十三世開元琦禪師法嗣

饒州薦福道英禪師

泉州尊勝有朋講師本郡蔣氏子

南嶽下十三世仰山偉禪師法嗣

潭州龍王山善隨禪師

瑞州黃蘗山祇園永泰禪師

廬山慧日明禪師

南嶽下十三世福巖威禪師法嗣

慶元府育王法蓮寶鑑禪師饒州余氏子

南嶽下十三世雲蓋智禪師法嗣

安吉州道場法如禪師衢州徐氏子

福壽寶壽最樂禪師古田人

紹興府石佛慧明空解禪師

南嶽下十三世玄沙文禪師法嗣

福州廣慧達杲禪師嘗言佛為無心悟心因有佛迷佛心

清淨處雲外野猿啼

南嶽下十三世建隆慶禪師法嗣

平江府泗洲用元禪師

南嶽下十三世報本元禪師法嗣

平江府承天安元正傳燈禪師鄞州鄭氏子

南嶽下十三世隆慶閑禪師法嗣

潭州安化啟寧開一禪師

南嶽下十三世三祖宗禪師法嗣

寧國光孝惟爽禪師

南嶽下十三世泐潭英禪師法嗣

南嶽法輪齊添禪師

泉州慧明雲禪師

南嶽下十三世保寧瑛禪師法嗣

慶元府育王無竭淨曇禪師

台州真如戒香禪師興化林氏子

南嶽下十三世五祖常禪師法嗣

蘄州南烏崖壽聖清楚禪師

南嶽下十三世黃龍肅禪師法嗣

瑞州百丈惟古禪師

嘉定府月珠祖鑑禪師

南嶽下十三世石霜相林禪師法嗣

鼎州德山靜照庵什庵主

南嶽下十三世華光恭禪師法嗣

郴州萬壽念禪師

南嶽下十四世黃龍新禪師法嗣

吉州禾山超宗慧方禪師 臨安府崇覺空禪師姑熟人

潭州上封祖秀禪師常德何氏子

嘉定府九頂寂惺惠泉禪師

嘉興府華亭性空妙普庵主漢州人久依死心獲証乃抵
秀水追船子遺風結茅青龍之野吹鐵笛以自娛建炎
初徐明叛道經烏鎮肆殺戮民多逃亡師獨荷策而往

賊怒欲斬之師曰要頭便砍奚怒爲願得一飯以送終
賊奉肉食師曰孰爲我文之以祭賊笑而不答乃索筆
大書一篇詞意灑落多奇句既畢遂舉筋飮飡食罷復
曰劫數旣遭離流我是快活烈漢如今正好乘時便可
一刀兩段乃大呼斬賊駭異稽首謝過令衛而出烏
鎮廬舍皆得免焚後欲水葬乃盤坐盆中順流于海橫
吹鐵笛旣而以笛擲空遂沒後三日沙上跌坐如生道
俗爭迎歸闍維獲舍利大如菽者莫計二鶴徘徊空中
火盡始去衆奉舍利靈骨建塔青龍

嚴州鍾山道隆首座相盧董氏子

揚州齊密首座本郡人

空室道人智通者龍圖范珣女歸丞相蘇頌孫悌而寡遂為尼名可久掛錫姑蘇之西竺後書偈趺坐而終有明心錄行世

南嶽下十四世黃龍清禪師法嗣

潭州上封佛心本才禪師福州姚氏子

隆興府黃龍德逢通照禪師靖安胡氏子

潭州法輪應端禪師南昌徐氏子

无

東京天寧長靈守卓禪師泉州莊氏子宣和五年示寂闍

維日帝遣中使賜香持金盤求舍利焚香罷盤中鏗然視之五色者數顆大如豆使者持還上見大悅

信州博山無隱子經禪師

隆興府百丈以棲禪師興化人

温州光孝德週禪師信州璩氏子

邵州光孝曇清禪師

南嶽下十四世泐潭清禪師法嗣

隆興府黃龍山堂道震禪師金陵趙氏子

台州萬年雪巢法一禪師太師襄陽郡王李公遵勉玄孫
從祖仕淮南欲官之不就初母夢一老僧至而產至令是
母曰此必宿世沙門勿奪其志遂祝髮事禪紹興中居
延福後歸天台而逝

福州雪峰東山慧空禪師本郡陳氏子

慶元府育王野堂普崇禪師本郡人

南嶽下十四世青原信禪師法嗣

潭州梁山懽禪師

成都府正法希明禪師漢州人

廿

祖庵主偈曰小鍋煮菜上蒸飯菜熟飯香人正飢一補飢
瘡了無事明朝依樣畫貓兒

南嶽下十四世夾西純禪師法嗣

澧州欽山乾明普初禪師

南嶽下十四世泐潭乾禪師法嗣

楚州勝因戲魚咸靜禪師本郡高氏子

潭州龍牙密宗禪師豫章人

福州東禪祖鑑從密禪師

雪峰有需禪師

續文獻通考

慶元府天童普交禪師郡之萬齡畢氏子宣和六年三月
中示寂交造泐潭有省偈曰有人問我解何宗一喝須
教兩耳聾滿杓黃蘗飽喫了生涯只在鉢盂中閣維獲
舍利五色陳忠肅替之

江州圓通道旻圓機禪師世稱古佛興化蔡氏子母夢吞
摩尼寶珠有孺生五歲足不履口不言母抱遊西明寺
見佛像遽履地合掌稱南無佛仍作禮人大異之後聞
法圓通朝廷錫以命服與圓機號

慶元府二靈知和庵主蘇臺玉峰張氏子住二靈三十年

間無長物惟二虎侍其右宣和七年寂塑其像二虎侍
之至今存焉

南嶽下十四世開先瑛禪師法嗣

紹興府慈氏瑞山禪師本郡人

潭州大瀉海評禪師

南嶽下十四世圓通僊禪師法嗣

温州淨光了威佛日禪師 明招文慧禪師

浮山法真禪師

祥符立禪師

南嶽下十四世象田卿禪師法嗣

慶元府雪竇持禪師本郡盧氏子

紹興府石佛益禪師

南嶽下十四世褒親瑞禪師法嗣

安州應城壽寧道完禪師

南嶽下十四世堯率悅禪師法嗣

撫州疎山了常禪師

隆興府堯率慧照禪師南安郭氏子

南嶽下十四世法雲杲禪師法嗣

隨州洞山辯禪師

東京慧海儀禪師

西蜀鑿法師以直道示徒衆多引去偈曰衆賣花兮獨賣

松青青顏色不如紅算來終不與時合歸去來兮翠靄

中由是隱居二十年道俗追慕復命演法笑答偈曰道

迹隱高峰高峯又不容不如歸錦里依舊賣青松衆列

拜悔過

南嶽下十四世泐潭準禪師法嗣

隆興府雲巖典牛天游禪師成都鄭氏子

潭州三角智堯禪師

南嶽下十四世慧日雅禪師法嗣

隆興府九仙法清祖鑑禪師嚴陵人

平江府覺海法因庵主郡之顯山朱氏子晚年放浪自若
稱五松散人

南嶽下十四世龍牙言禪師法嗣

瑞州洞山擇言禪師

南嶽下十四世文殊龍禪師法嗣

常德府德山瓊禪師

南嶽下十四世智海青禪師法嗣

蘄州四祖仲宣禪師

泉州乾峰圓慧禪師

南嶽下十四世大瀉瑤禪師法嗣

眉州中巖慧莫蘊能禪師本郡呂氏子住持三十餘載凡
說法不許錄其語臨終書偈趺坐而化闍維時暴風忽
起烟所至處皆雨舍利道俗劇其地皆得之心舌不壞
塔于本山

懷安軍雲頂寶覺宗印禪師

南嶽下十四世昭覺白禪師法嗣

成都府信相宗顯正覺禪師潼州王氏子少為進士有聲
嘗畫掬溪水為戲至夜思之覺水冷然盈室欲汲之不

得而塵境自空曰五世綢裂矣遂歷遊方得禪旨

南嶽下十四世道林一禪師法嗣

潭州大瀉大圓智禪師四明人

南嶽下十五世上封才禪師法嗣

福州普賢元素禪師建寧人

福州鼓山山堂僧洵禪師太郡阮氏子

福州鼓山別峰祖珍禪師興化林氏子

南嶽下十五世黃龍逢禪師法嗣

韶州薦福常庵擇崇禪師寧國府人

高

南嶽下十五世長寧卓禪師法嗣

慶元府育王無示介謔禪師温州張氏子

安吉州道場普明慧琳禪師福州人

安吉州道場無傳居慧禪師本郡吳氏子

臨安府顯寧松堂圓智禪師

安吉州烏回惟庵良範禪師

温州本寂靈光文觀禪師本郡葉氏子

南嶽下十五世黃龍震禪師法嗣

常德府德山無諍慧初禪師靖江府人

南嶽下十五世萬年一禪師法嗣

嘉興府報恩法常首座開封人丞相薛居正裔宣和庚子
逝

南嶽下十五世嶽山坦庵主法嗣

廬山延慶叔禪師

南嶽下十五世勝因靜禪師法嗣

連水軍萬壽夢庵普信禪師

平江府慧日默庵興道禪師

唐德軍光孝果愍禪師常德桃源人

南嶽下十五世雪峰需禪師法嗣

福州雪峰毬堂慧宗禪師

南嶽下十五世天童交禪師法嗣

慶元府蓬萊圓禪師足不踰閭道俗尊之偈曰新縫紙被
烘來煖一覺安眠到五更聞得上方鐘鼓動又添一日
在浮生

南嶽下十五世圓通旻禪師法嗣

江州廬山圓通守慧冲真密印通慧禪師

隆興府黃龍道觀禪師

南嶽下十五世明招慧禪師法嗣

揚州石塔宣秘禮禪師

南嶽下十五世浮山真禪師法嗣

峨嵋靈巖微禪師

南嶽下十五世祥符立禪師法嗣

湖南報慈淳禪師

南嶽下十五世雲巖游禪師法嗣

臨安府徑山塗毒智策禪師天台陳氏子將示寂門人以文祭之危坐傾聽至尚享為之一笑越兩日書偈而逝

塔全身東岡麓

南嶽下十五世信相顯禪師法嗣

成都府金繩丈禪師

南嶽下十六世育王謀禪師法嗣

台州萬年心聞曇贇禪師永嘉人

慶元府天童慈航了朴禪師福州人

南劍州西巖宗回禪師婺州人偈曰縣吏追呼不暫停爭

如長往事分明從前有个無生曲且喜今朝調已成

高麗國坦然國

王位為沙門

續文獻通考

臨安府龍華無住本禪師廣德人

南嶽下十六世道勝琳禪師法嗣

臨江軍東山吉禪師

南嶽下十六世道場慧禪師法嗣

臨安府靈隱懶庵道樞禪師吳興四安徐氏子始由何山移華藏隆興初詔居靈隱嘗召至內殿論禪道之要上為首肯數四淳熙丙申書偈而逝塔于永安

南嶽下十六世光孝懋禪師法嗣

廣德軍光孝悟初首座

南嶽下十七世萬年育禪師法嗣

温州龍鳴在庵賢禪師

潭州大瀉唌庵鑑禪師會稽人

南嶽下十一世石霜圓禪師法嗣 臨濟宗

袁州楊岐方會禪師郡之宜春冷氏子皇祐改元示寂塔于靈蓋

南嶽下十二世楊岐會禪師法嗣

舒州白雲守端禪師衡陽葛氏子初叅楊岐舉其舊節郁和尚誦曰我有明珠一顆久被塵勞關鎖今朝塵盡光

生照破山河萬朵岐笑而趨起次日謂曰汝昨見儼者
否渠愛人笑汝怕笑汝不及渠也師遂大悟

郁和尚乃茶陵山主一日乘驢渡橋橋板墮而悟未詳法

嗣

金陵保寧仁勇禪師四明祝氏子

潭州石霜守孫禪師

南嶽下十三世白雲端禪師法嗣

蘄州五祖法演禪師綿州鄧氏子宗寧三年化時山推石
墮四十里內巖谷震吼闍維舍利如雨塔于東山之南

袁州崇勝院珙禪師

潭州雲蓋山智本禪師瑞州郭氏子

滁州琅琊永起禪師襄陽人

英州保福殊禪師

南嶽下十三世保寧勇禪師法嗣

鄂州月掌山壽聖院智淵禪師

安吉州烏鎮壽聖院楚文禪師

信州靈鷲山寶積宗暎禪師

隆興府景福日餘禪師 安吉州上方日益禪師

南嶽下十四世五祖演禪師法嗣

成都府昭覺寺克勤佛果禪師彭州駱氏子郭知章張商英皆尊禮其道樞密鄧子常奏賜紫服師號詔住金陵蔣山學者無地以容敕補天寧萬壽上召見褒寵甚渥建炎初又遷金山適駕幸維揚入對賜圓悟禪師改雲居久之復領昭覺紹興五年書偈而逝茶毗舌齒不壞舍利五色無數塔于昭覺寺之側謚真覺禪師

舒州大平慧勤佛鑑禪師本郡汪氏子政和初詔住東都智海五年乞歸居蔣山樞密鄧子常奏賜徽號紫服七

年手書數紙別故舊停筆而化闍維收靈骨舍利塔于本山

舒州龍門清遠佛眼禪師臨邛李氏子嘗寒夜孤坐撥爐見火一豆許恍然自喜曰深深撥有此子平生事只如此後遷和之褒禪樞密鄧洵武奏賜師號紫衣寂後門人函骨歸龍門塔靈光臺側

潭州開福道寧禪師歛溪汪氏子政和初寂闍維獲舍利藏塔

彭州大隨南堂元靜禪師闍之五趙約仲子紹興乙卯寂

續文獻通考

茶毘異香徧野舌本如故舍利五色者不計瘞于定光塔西

漢州無爲宗泰禪師涪城人

蘄州五祖表自禪師懷安人

蘄州龍華道初禪師梓之馬氏子

嘉州九頂清素禪師本郡郭氏子

元禮首座閩人終四明瑞岩

普融知藏福州人

法闍上座

南嶽下十四世雲蓋本禪師法嗣

潭州南嶽承天院自賢禪師

南嶽下十四世瑯琊起禪師法嗣

俞道婆金陵人市油資爲業一日聞丐者唱蓮花樂云不因柳毅傳書信何緣得到洞庭湖忽大悟棄資盤然瑯琊得道聲名藹著僧至盡以兒呼

南嶽下十五世昭覺勤禪師法嗣

臨安府徑山宗杲大慧普覺禪師宣城奚氏子張商英一見喜之字以妙喜張九成嘗從之遊紹興辛酉屏居衡

陽哀先德機語凡三帙目爲正法眼藏吳好問奏賜號
曰佛日孝宗潛邸時嘗請師祝聖壽親書妙喜庵三字
并製贊寵寄之隆興改元一夕星殞寺西師親書遺奏
又遺書辭紫巖居士而逝平明有蛇尺許腰首白色伏
于龍王殿欄乃龍王示現也帝聞嘆息製師真贊塔全
身明月堂側壽七十五詔以明月堂爲妙喜庵謚曰普
覺塔名實光淳熙初賜其全錄八十卷隨大藏流行
平江府虎丘紹隆禪師和之含山人紹興中逝塔全軀寺
西南隅

世

慶元府育王山佛智端裕禪師吳越王裔慈寧皇太后嘗
召演法賜金襴袈裟紹興庚午寂火後目睛齒舌不壞
其地發光終夕得舍利者無計踰月不絕黃冠羅筆嘗
問道于師時適遠歸獨無所獲道念勤切方與客食咀
嚼間若有物吐之則舍利也大如菽色若琥珀好事者
持去遂再拜于闍維所聞香奩有聲亟開所獲如前而
差紅潤門人奉遺骨塔于鄮峰西華謚大悟禪師
潭州大瀉佛性法泰禪師漢州李氏子
台州護國北庵景元禪師永嘉張氏子謁圓悟悟以其機

發目為聾頭元侍者寂後茶毘得五色舍利舌齒
石拳無少損塔于寺東劉阮洞前

福州玄妙僧照禪師

平江府南峰雲辨禪師本郡人

臨安府靈隱惠遠佛海禪師眉山彭氏子由虎丘奉詔住
臯亭崇先復被旨補靈隱孝廟召對賜號佛海禪師淳
熙三年安坐而逝留七日顏色不異塔全身于寺之烏
峰

台州鴻福子文禪師

成都府正法建禪師

建康府華藏密印安民禪師嘉定府朱氏子寂後闍維穴
地尺許皆得舍利心舌亦不壞

成都府昭覺徹庵道元禪師綿州鄧氏子謁大別道禪師
因看廓然魚聖之語忽失笑曰達磨原來在這裏後叅
圓悟得道

臨安府中天竺泐堂中仁禪師洛陽人孝廟嘗召入賜座
說法

眉州象耳山袁覺禪師邵袁氏子本名圓覺郡守填詞傑
誤作袁字疑師憮然戲謂曰一字名可乎對曰一字已

多守奇之

眉州中巖華巖祖覺禪師嘉州楊氏子

潭州福巖文演禪師成都楊氏子

平江府西山明因曇玩禪師溫州黃氏子

平江府虎丘雪庭元淨禪師雙溪人

衢州天寧訥堂梵思禪師蘇臺朱氏子

岳州君山佛照禪師 平江府寶華顯禪師本郡人

紹興府東山覺禪師 台州天封覺禪師

南康軍雲居宗振首座丹丘人

成都府昭覺道祖首座

覺庵道人祖氏建寧游察院之姪女幼志不適留心祖道

答圓悟偈曰露柱橫抽骨虛空弄爪牙假饒玄會得猶

是眼中沙

南嶽下十五世太平懃禪師法嗣

常德府文殊心道禪師眉州徐氏子建寧三年自死于賊

血皆白乳

韶州南華知昂禪師蜀永康人

潭州龍牙智禪師舒州施氏子紹興戊午書偈曰戊午中

秋之日出家住持事畢臨行自己尚無有甚虛空可覓後復曰白雲湧地明月當天言訖而逝火後獲舍利五色併靈骨塔于寺之西北隅

明州蓬萊鄉禪師

安吉州何山佛燈守珣禪師郡施氏子呈廣鑑偈曰終日看天不舉頭挑花爛熳始擡眸既君更有遮天網透得牢關即便休紹興甲寅自知逝期闍維舌根不壞郡人陳師顏以寶函藏其家門弟子奉靈骨塔于普應院之側

隆興府泐潭擇明禪師

台州寶藏本禪師

吉州大中祥符清海禪師偈曰實際從不受塵箇中魚舊亦無新青山况是五家物不用尋他別問津

漳州淨衆佛真了璨禪師泉南羅氏子

隆興府谷山海禪師

南嶽下十五世龍門遠禪師法嗣

温州龍翔竹庵士珪禪師成都史氏子紹興時奉詔開山

雁蕩逝後茶毘日送者均獲舍利奉靈骨塔于鼓山

南康軍雲居高庵善悟禪師洋州李氏子冲禪師舉武帝

問達唐因緣如獲舊物遽曰我既廓然何舊之有冲異之

遂寧府西禪文璉禪師郡張氏子

隆興府黃龍牧庵法忠禪師四明姚氏子參佛眼禪師造次不忘提撕一日蹤步水磨偈曰轉大法輪目前包裹更問如何水推石磨宣和間湘潭大旱禱而不應師躍入龍洲呼曰業畜當雨一尺雨隨至居南嶽每跨虎出遊儒釋望塵而拜紹興己巳方大白光上騰索筆書偈而寂塔于香源洞

衢州烏巨雪堂道行禪師處州葉氏子教授汪喬年乃其門弟疾時示偈曰識則識自本心見則見自本性識得本心本性正是宗門大病沐浴更服跏趺而逝闍維五色舍利烟所至處纍然齒舌不壞塔于寺西

撫州白楊法順禪師綿州文氏子

南康軍歸宗真牧正賢禪師潼川陳氏子經典過目成誦慈秀稱爲經藏子律身清苦出入惟杖笠獨行後示寂闍維收舍利目睛齒舌數珠同靈骨塔于寺西

南康軍雲居法如禪師丹丘胡氏子

安吉州道場正堂明辯禪師本郡俞氏子贊達磨末曰不
是一番寒徹骨爭得梅花撲鼻香雪堂大稱賞近後大
中收靈骨舍利藏所建之塔曰仙人山

潭州方廣深禪師

世奇首座成都人

温州淨居尼慧溫禪師

南嶽下十五世開福寧禪師法嗣

潭州大瀉日庵善果禪師信州余氏子

南嶽下十五世大隨靜禪師法嗣

台州釣魚臺石頭自回禪師本郡人以石工悟佛法

潼川府護聖愚丘居靜禪師成都楊氏子教人分十門印
證

簡州南巖勝禪師

常德府梁山廓庵師遠禪師合川盧氏子有十牛圖并頌
行世

嘉州能仁默堂紹悟禪師頌曰一重山蓋一重坐山斷孤峰
仔細看霧捲雲收山嶽靜楚天空闊一輪寒

彭州土溪智化子言庵主綿州人隱土溪鑿石為室得
泉居三十年化風盛播

南康軍修造禪師

南嶽下十五世五祖自禪師法嗣

蘄州龍華高禪師

南嶽下十六世徑山杲禪師法嗣

泉州教忠晦庵彌光禪師閩之李氏子

江州東林玉庵道顏禪師澧川鮮于氏

福州西禪懶庵鼎需禪師本郡林氏子

福州東禪蒙庵思岳禪師 福州西禪北庵守靜禪師

建寧府開善道謙禪師本郡人

七

慶元府育王佛照德光禪師臨江軍彭氏子孝宗嘗詔問道留宿內觀堂又詔住徑山後示寂塔全身劔峰東庵常州華藏迦庵宗演禪師福州鄭氏子

慶元府天童無用淨全禪師越州翁氏子自贊曰匙挑不得滿江湖

大瀉法寶禪師福州人

福州王帛曇懋禪師頌曰閑持經卷倚松立笑問客從何處來

韶州薦福悟本禪師江州人

慶元府育王大圓遵璞禪師福州人

温州雁山能仁枯木祖元禪師七閩林氏子

真州靈巖東庵了性禪師 大瀉景暈禪師

建康府蔣山一庵善直禪師德安雲夢人

劍州萬壽自護禪師 臨安府靈隱誰庵了演禪師

泰州光孝寺致遠禪師

福州雪峰崇聖普慈蘊聞禪師洪州沈氏子

處州連雲道能禪師漢州何氏子

臨安府靈隱最庵道印禪師漢州人

建寧府竹原宗元庵主本郡連氏子

近禮侍者三山人大惠嘗謂曰如將荔枝剥皮殼送在爾

口爾不解吞師笑曰和尚吞却即禍事惠曰爾不知滋

味師曰若知滋味轉見禍事

温州淨居尼妙道禪師延平尚書黃公裳之女

平州府資壽尼魚著妙摠禪師丞相蘇公之孫女答大慧

偈曰一葉扁舟泛渺茫呈梳舞棹別宮商雲山海月都

拋却贏得莊周蝶夢長

蔣山大禪了明禪師秀州陸氏嗣大慧化揚和王姑胥莊
田供衆歲收二萬斛常住由是豐足孝宗淳祐中詔繼
席徑山

南嶽下十六世虎丘隆禪師法嗣

明州天童應庵曇華禪師蘄州江氏子世稱大慧與師居
處為二甘露門隆興改元化塔全身於本山

南嶽下十六世育王裕禪師法嗣

福州清涼坦禪師

臨安府淨慈水庵師一禪師婺州馬氏子

安吉州道場魚庵法全禪師姑蘇陳氏子偈曰鼓吹轟轟
袒半肩龍樓香噴益知船有時赤脚弄明月踏破五湖
波底天乾道已丑寂時衆求偈書魚無二字火後舍利
五色塔于金斗峰

泉州延福寒巖慧升禪師建寧人

南嶽下十六世大滄泰禪師法嗣

潭州慧通清旦禪師蓬州嚴氏子

澧州靈巖仲安禪師 成都府昭覺辯禪師

成都府法正灝禪師

南嶽下十六世護國元禪師法嗣

台州國清簡堂行機禪師本郡大楊氏子

鎮江府焦山或庵師體禪師台州羅氏子淳熙己亥書偈

辭衆曰鉄樹生花雄雞生卵七十二年搖籃繩斷擲筆

示寂

常州華藏湛堂智深禪師武林人

南嶽下十六世靈隱遠禪師法嗣

慶元府東山全庵齊己禪師卬州謝氏子

撫州疎山歸雲如本禪師台城人

覺阿上人日本國滕氏子自本國航海而來拜靈隱佛海

禪師後游金陵抵長蘆江岸聞鼓忽大悟旋趨靈隱述

五偈叙所見辭海東歸

南嶽下十六世華藏民禪師法嗣

臨安府徑山別峰實印禪師嘉州李氏子孝宗召對選德

殿稱旨入對日賜肩輿于東華門內十年二月上註圓

覺經召師作序十五年奏乞庵居得請紹熙元年預書

逝期時刻不爽蛻質留七日顏色明潤髮長頂溫葬于

庵之西岡謚慈辯禪師塔曰智光

南嶽下十六世照覺元禪師法嗣

鳳棲慧觀禪師

南嶽下十六世文殊道禪師法嗣

潭州楚安慧方禪師本郡許氏子

常德府文殊思業禪師曰照人姓文世為屠宰一日有羊

既乳將殺之二羔啣刀伏門業感歎即棄業為比丘偈

曰昨日夜叉心今朝菩薩面菩薩與夜叉不隔一條線

思業一統志作淨業

南嶽下十六世何山珣禪師法嗣

婺州義烏稠巖了贊禪師

南嶽下十六世泐潭明禪師法嗣

漢州無為隨庵守緣禪師本郡史氏實降舉永嘉教即領

悟曰以一統萬一月普現一切水會萬歸一切水月

一月攝

南嶽下十六世龍翔珪禪師法嗣

南康軍雲居頑庵德昇禪師漢州何氏子

通州狼山蘿庵慧溫禪師福州鄭氏子

南嶽下十六世雲居悟禪師法嗣

婺州雙林德用禪師本郡戴氏子

台州萬年無着道閑禪師本郡洪氏子

福州中際善能禪師嚴陵人

南康軍雲居普雲白圓禪師綿州雍氏子

南嶽下十六世烏巨行禪師法嗣

饒州薦福退庵林禪師

信州龜峰晦庵慧光禪師建寧人

真州長蘆且庵守仁禪師上虞人

南嶽下十六世白楊順禪師法嗣

四十二

吉州青原如禪師

南嶽下十六世雲居如禪師法嗣

太平州隱靜圓極彥岑禪師台城人

鄂州報恩成禪師

南嶽下十六世道場辯禪師法嗣

平江府覺報清禪師

安吉州何山然首座姑蘇人

南嶽下十六世黃龍忠禪師法嗣

成都府信形成修禪師

南嶽下十六世西禪璉禪師法嗣

遂寧府西禪第二代希秀禪師

南嶽下十六世淨居尼禪師法嗣

溫州淨居尼無相法燈禪師

南嶽下十六世大滿果禪師法嗣

荆門軍玉泉窮谷宗璉禪師合州董氏子有僧過其家指

燈示之曰燈照汝耶汝照燈耶荅曰燈亦不照我我亦

不照燈扁其室曰窮谷劉錡鎮荆南門窮谷何義對曰

心盡曰窮性凝曰谷隨響應聲不疾而速

潭州大瀉行禪師

潭州道林淵禪師

隨州大洪老衲祖證禪師潭州潘氏子

隆興府泐潭山堂德淳禪師

常州宜興保安復庵可封禪師福州林氏子

隆興府石亭野庵祖璿禪師

潭州石霜宗鑒禪師

南嶽下十六世石頭回禪師法嗣

南康軍雲居蓬庵德會禪師重慶府何氏子

南嶽下十七世教忠光禪師法嗣

泉州法石中庵慧空禪師贛州蔡氏子

臨安府淨慈混源曇雲密禪師天台盧氏子塔于本山

南嶽下十七世東林顏禪師法嗣

荆南府公安遯庵祖珠禪師南平人

汀州報恩法演禪師果州人

臨安府淨慈肯堂考克禪師於潛盛氏子塔于寺之南庵

婺州智者元庵真慈禪師潼川李氏子

南嶽下十七世西禪需禪師法嗣

福州鼓山木庵安永禪師閩縣吳氏子

溫州龍翔柏堂南雅禪師示衆曰紫巖伸拳筭破梢楊花

飛盡綠陰交分明西禪單傳句黃粟留鳴燕語巢

福州天王志清禪師

南劔州劔門安分庵主

南嶽下十七世東禪岳禪師法嗣

福州鼓山宗建禪師

南嶽下十七世西禪淨禪師法嗣

福州乾元宗穎禪師

南嶽下十七世開善謙禪師法嗣

建寧仙州山吳十三道人

南嶽下十七世天童華禪師法嗣

慶元府天童密庵咸傑禪師福州鄭氏子塔于寺之西峯
南嶽下十七世道場全禪師法嗣

常州華藏伊庵有權禪師臨安昌化祁氏子嘗夜坐達旦
行粥者至志展鉢鄰僧以手觸之師感悟為偈曰黑漆
皂窰把釣竿古帆高掛下鷺瀉蘆花影裏弄明月引得
盲龜上釣般淳熙庚子秋有微疾留偈趺坐而逝茶毗
齒舌不壞獲五色舍利無數瘞于橫山之塔分骨歸葬
萬年山寺

南嶽下十七世雙林用禪師法嗣

婺州三峰印禪師

南嶽下十七世大瀉行禪師法嗣

常德府德山子涓禪師潼州人

續文獻通考卷之二百五十一

皇明進士雲間王圻纂輯

仙釋考 釋家法嗣四

青原下一世思禪師法嗣

南嶽石頭希遷陳禪師瑞州高要人衡山寺東有石臺結
庵其上故名石頭嘗夢與六祖同乘一龜游泳深池詳
之曰與祖師同乘靈智遊性海矣遂著參同契貞元六
年寂德宗謚無際大師

青原下二世石頭遷禪師法嗣

澧州藥山惟儼禪師絳州韓氏子一日自嘆曰大丈夫當
 離法自淨安能屑屑事細行于布巾耶披榛結庵有餽
 飲食者並謝不受曰吾日食米一升足矣李翱嘗贈以
 詩曰選得幽居恆野情終年無送亦無迎有時直上孤
 峰頂月下披雲嘯一聲太和八年寂文宗謚弘道大師
 鄧州丹霞天然禪師將入長安應舉有禪者問徑曰選
 官去禪者曰選官何如選佛師悟遂認馬大師復叅石
 頭得佛旨長慶四年寂實曆初謚智通禪師
 湖州靈山大顛實通禪師侍者三平言佛法省要處先以

定動後以智拔韓文公亦善其語

潭州大川禪師

潭州長髭曠禪師

京兆府尸利禪師

潭州招提寺慧朗禪師

長沙興國寺振朗禪師

汾州石樓禪師

鳳翔府法門佛陀禪師常持一串珠念三種名號

二元和三佛陀乃過一珠終而復始時人莫測

水空和尚

澧州大同濟禪師

荊州天皇道悟禪師婺州東陽張氏子素無迎送客無貴

賤皆坐而揖僕射裴公愈加歸向元和二年寂時有兩

道悟禪師上是江陵城東天皇寺叶律符載撰塔銘又
江陵城西天皇寺道悟禪師渚宮人崔子玉之後嗣馬
祖元和十二年寂正義大夫立玄素撰塔銘佛通有辯今
兩載之

青原下三世藥山儼禪師法嗣

潭州道吾山宗智禪師豫章海昏張氏子藥山曰法身還
具四大也無師曰性地非空空非性地此是地大三大
亦然太和元年寂謚修一大師塔曰實相宗智佛通作
圖智

潭州雲巖曇晟禪師鍾陵建昌王氏子嘗問僧何來曰石
上語話來師曰石還點頭否僧無對師自代曰未語話
時却點頭會昌元年茶毗得舍利千餘粒瘞于石塔謚
無住大師

秀州華亭船子德誠禪師嘗操小舟隨緣度日接四方往
來者故號船子和尚有偈曰千尺絲綸直下垂一波絲
動萬波隨夜靜水寒魚不食滿船空載月明歸別人祇
看採芙蓉香氣常粘統指風兩岸映一船紅何曾解染
得虛空問我生涯祇是船子孫各自賭機緣不由地不

由天除却叢衣無可傳後傳與夾山法語覆舟入水而
逝唐咸通中僧藏暉即其覆舟處建寺

宣州裨樹慧者禪師

鄂州百巖明哲禪師

澧州高沙彌

青原下三世丹霞然禪師法嗣

京兆府翠微無學禪師

吉州孝義寺性空禪師

米倉和尚

山義安禪師

本童和尚

青原下三世大川禪師法嗣

僊天禪師

福州普光禪師

青原下三世大顛通禪師法嗣

漳州三年山義忠禪師福州楊氏子初參石鞏鞏常張弓

架箭接機師詣法席鞏曰看箭師乃驚開胸曰此是殺

人箭活人箭鞏彈弓弦三下師乃禮拜鞏曰三十年張

弓架箭只射得半箇漢後參大顛得其宗旨王諷碑云

麗水人學者三百人卒年九十二有真身塑像在六安

院存破袖若蟬翼藕絲其徒實之

馬頰山本空禪師頌曰心是性體性是心用性心一如誰

別誰共妄外迷源祇是難洞古今凡聖如幻如夢

本生禪師有僧稱師低處平之有餘高處觀之不足師曰
節日上更生節目

青原下三世長髭曠禪師法嗣

潭州石室善道禪師嘗言十二行中嬰兒行為最

青原下三世天皇悟禪師法嗣

澧州龍潭崇信禪師渚宮賣餅家子勤服天皇左右恨不
指示心曰要皇曰汝滌茶來吾為汝按汝行食來吾為汝
受汝和南來吾便低首何處不指示心要師當下開解
青原下四世道吾智禪師法嗣

潭州石霜山慶諸禪師新金陳氏子嘗抵為山為米頭一
日篩米為山于地下拾得一粒曰莫輕這一粒百千粒
盡從這一粒生師曰百千粒從這一粒生未審這一粒
從何生為大咲後叅道吾得道光啟四年寂謚普會禪
師

潭州漸源仲興禪師 涿清禪師

青原下四世雲巖晟禪師法嗣

涿州杏山鑒洪禪師 潭州禪山僧密禪師

幽谿和尚

青原下四世船子誠師禪法嗣

澧州夾山善會禪師廣州廖氏子嘗言金粟之苗裔舍利之真身罔象之玄談是野狐窟宅中和元年寂謚傳明

大師

青原下四世翠微學禪師法嗣

鄂州青平山安樂院令遵禪師東平人天祐十六年寂謚法喜禪師

舒州投子山大同劉禪師懷寧人僧問枯木中還有龍吟也無師曰我道髑髏裏有獅子吼乾化四年寂謚慈濟

大師

安吉州道場山如訥禪師目有瞳手垂過膝自翠微受訣

止此山薙草卓庵學徒四至廣闡法化遂成叢社

建州白雲山約禪師

青原下四世孝義性空禪師法嗣

欽州茂原禪師 棗山光仁禪師

青原下四世龍潭信禪師法嗣

鼎州德山宣鑒周禪師簡州人聞南方直指人心見性成佛之教欲滅其種類以報佛恩遂擔跣鉢出蜀至澧陽

路上與婆子買餅作點心婆子問金剛經云過去心不可得現在心不可得未來心不可得未審上座點那箇心師無語往叅為山未見便出山曰此子已後向孤峰頂上盤結草庵呵佛罵祖去也後止德山精舍大闡宗風咸通六年寂謚見性佛師佛通作朗州德山

洪州泐潭寶峰和尚
青原下五世石霜諸禪師法嗣

潭州大光山居誨禪師京兆人初造石霜長坐不卧麻衣草履忘身為法

瑞州九峯道慶禪

台州湧泉景欣禪師泉州人嘗言吾四十九年在此尚有走作諸人莫開大口見解人多行解人萬中無一

潭州雲蓋山志元圓淨禪師嘗于馬王前問道正曰爾本教中說恍恍惚惚其中有物是何物杳杳冥冥其中有精是何精道正茫然便禮拜因此道士更不紛紜

潭州谷山藏禪師
潭州雲中蓋禪師

河中南際山僧一禪師終于長慶謚本淨大師

廬山棲賢懷佑禪師泉州人僧問如何是祖師西來意曰

并底寒蟾天中明月

福州覆船山洪薦禪師謚紹隆大師

鼎州德山存德慧空禪師 吉州崇恩禪師

石霜暉禪師僧問世尊先度五俱輪和尚何不度日為伊
不是五俱輪

鄂州芭蕉禪師 潭州肥田慧覺伏禪師

潭州鹿苑暉禪師 潭州寶蓋約禪師

越州雲門山極迷寺海晏禪師 潭州雲蓋禪師

湖南文殊禪師 鳳翔府石柱禪師

河中府棲巖山大大通院存壽禪師平居罕言叩之則應
謚真寂禪師

南嶽玄泰禪師沉靜寡言未嘗衣帛時號秦布衲始見德
山升堂後謁石霜遂入室焉四方後進依附皆用交友
禮寂後閣維收舍利建塔于迎雲亭側

龍湖普聞禪師唐僖宗太子中和中斷髮隱逸人
無知者居邵武十餘年有一老人拜謁曰余乃龍也上
天罰行兩不職當死願垂救護俄失老人所在旁有一
小蛇延緣入袖至暮雷電震山風雨交作師危坐不傾

達旦晴霽垂袖蛇墮地去有頃老人復來謝因穴巖下
為泉以報恩今號龍湖是也寂後謚圓覺禪師

青原下五世夾山會禪師法嗣

澧州洛浦山元安禪師麟遊人夾山將寂時語曰石頭一

技看看滅矣師曰不然他家自有青山在山曰苟如是

即吾宗不墜

袁州蟠龍山可文禪師

撫州逍遙山懷忠禪師

撫州黃山月輪禪師福唐許氏子嘗言道從門入不是家

珍認影迷頭豈非大錯同光三年寂塔于院之西北隅

洛京韶山寰普禪師謚無畏禪師

洪州上藍令超禪師大順中齋畢聲鐘端坐長往謚元貞

禪師

鄆州四禪禪師

太原海湖禪師

嘉州白水禪師

鳳翔府天蓋山幽禪師

青原下五世清平遵禪師法嗣

蘄州三角山令珪禪師

青原下五世投子同禪師法嗣

投子威溫禪師

福州牛頭山微禪師

西川青城香山登照禪師 陝府天福禪師

興元府中梁山遵古禪師 襄州谷隱禪師

安州九嶷山禪師 幽州盤山一世禪師

九嶷敬慧禪師僧問解脫深坑如何過得師曰求過亦非

東京觀音院巖俊禪師邢臺唐氏子嘗經鳳谷深林忽都

珍寶捨去不顧謁投子子問昨夜宿何處曰不動道場

子曰既言不動曷由至此師曰至此豈動耶投子默許

之周高祖世宗二帝潛龍時每登方丈施禮及即位特

賜紫衣署淨戒大師

濠州思明禪師

鳳翔府招福禪師

青原下五世德山鑒禪師法嗣

鄂州巖頭全歲禪師泉州柯氏子夾山嘗曰石霜雖有殺

人刀且無活人劔巖頭亦有殺人刀亦有活人劔有僧

問起滅不停時如何師喝曰是誰起滅光啓三年四月

八日為盜所及門人焚之獲舍利四十九粒衆為起塔

謚清嚴禪師

福州雪峯義禪師泉州曾氏子嘗路逢獼猴曰人人有一

面古鏡這獼猴亦有一面古鏡梁開平中寂壽八十

七懿宗賜號真覺大師

洪州感潭資國禪師

天台瑞龍慧恭禪師福州羅氏子

襄州高亭簡禪師叅德山隔江終見便云不審山乃提扇

招之師忽開悟乃橫趨而去更不回顧

泉州瓦棺和尚

青原下六世大光誨禪師法嗣

潭州谷山有緣禪師

潭州龍興禪師

潭州伏龍山一世禪師

京兆白雲善藏禪師

伏龍山二世禪師

陝府龍峻山禪師

伏龍山三世和尚

潭州藤霞禪師

青原下六世九峰處禪師法嗣

新羅國清院禪師

洪州泐潭神黨禪師

袁州南源行修慧觀禪師

泐潭明禪師

吉州禾山禪師

洪州泐潭匡悟禪師

泐潭延茂禪師聞鵲聲謂衆曰喜鵲鳴寒檜心印是渠傳

吉州禾山無殷禪師福州吳氏子江南李氏召問曰和尚

何處來師曰禾山來曰山在甚處師曰人來朝鳳閣山

嶽不魯移國王重之時號澄源禪師宋建隆元年寂謚
法性禪師

洪州泐潭牟禪師 洪州鳳棲同安院常察禪師

青原下六世涌州欣禪師法嗣

台州六通院紹禪師

青原下六世雲蓋元禪師法嗣

潭州雲蓋山志罕禪師 新羅國卧龍禪師

彭州天台山澄禪師

青原下六世谷山藏禪師法嗣

新羅國瑞巖禪師 新羅國百巖禪師

新羅國大嶺禪師

青原下六世雲中蓋禪師法嗣

潭州雲蓋山證覺景禪師 吉州禾山思陰禪師

幽州拓溪從實禪師

青原下六世洛浦安禪師法嗣

蘄州烏牙山彥賓禪師 鳳翔府青峰傳楚師涇州人

京兆府永安縣善靜禪師郡之王氏子有僧辭洛浦浦曰

四面皆山向何處去僧不對師時為圍頭代為措語曰

竹密豈妨流水過山高那阻野雲飛師甚喜後知其為
園頭語對衆稱曰莫輕園頭他日座下有五百人後住
永安果應寂後謚淨悟禪師

鄧州中度禪師嘗言金雞常報曉時人自不聞

嘉州洞谿戒定禪師 京兆府卧龍禪師

青原下六世道遙忠禪師法嗣

泉州福清院師魏通玄禪師 泉州府白雲魚休禪師

青原下六世蟠龍大禪師法嗣

廬山永安淨悟禪師

袁州木平山善道禪師肉髻螺紋南唐保大中至金陵知
人禍福生死所言輒驗元宗召見于百丈樓樓制宏壯
木平曰此宜觀火人不喻其意後淮甸兵起嘗登此樓
望烽堠以觀動靜及元宗問慶王壽命木平書九十二
字與之後十九年卒法眼禪師有偈贈曰木平山裏人
貌古言復少相看陌路同論心秋月皎壞衲線非蚕助
歌聲有鳥城闕今日來一漚曾已曉城後門人建塔謚

真寂禪師

崇福院志禪師

陝府龍溪禪師

青原下六世黃山輪禪師法嗣

郢州桐泉山禪師

青原下六世韶山普禪師法嗣

潭州文殊禪師

曜州密行禪師

青原下六世思明禪師法嗣

襄州鷲嶺善本禪師

青原下六世巖頭巖禪師法嗣

台州瑞巖師彥禪師聞之許氏子嘗儼坐盤石終日如愚
每自喚王人公復應喏乃曰惺惺着後莫受人謾一日

五九

有村媪作禮師令速回救數千物命媪回見兒婦拾田

螺婦遂放之水濱逝後塔于本山謚空照禪師

懷州玄泉彥禪師

福州羅山道閑禪師長溪陳氏子

福州香溪從範禪師偈曰迦葉上行衣披來須捷機纔分
招的箭密語不藏龜

福州聖壽巖禪師補衲次僧叅師提起示之曰山僧一衲
衣展似衆人見雲水兩條分莫教露針線

吉州靈巖慧宗禪師福州陳氏子

青原下六世雪峰存禪師法嗣

續文獻通考

雲門文偃禪師嘉禾人姓張氏少時徧遊方外遂得道于
雪峰禪師宋太宗朝謚康真洪明禪師

福州玄沙師備宗一禪師閩之謝氏子初號苦竹頭陀應
機敏捷大闡玄學嘗聞燕子聲曰深談實相善說法要
一日侍雪峰遊山雪峰曰世界濶一尺古鏡濶一尺世
界濶一丈古鏡濶一丈師指火爐曰火爐濶多少峯曰
如古鏡濶曰老和尚脚跟未點地在梁開平中寂壽
七十有五閩主為搆塔謚宗一禪師

福州長慶慧稜孫禪師益官人往來雪峯玄沙二十餘年

坐破七箇蒲團不明此事一日捲簾忽大悟頌曰也大
差也大差捲起簾來見天下有人問吾解何宗拈起拂
子劈口打闍師請居長樂府西院奏額曰長慶號超覺
大師後唐長慶三年宋王氏建塔

漳州保福院從展禪師福州陳氏子

福州鼓山神晏興聖國師大梁李氏子年十二時有白氣
數道勝於所居屋壁師題曰白道從茲速改張休來顯
現作妖祥定祛雅行歸真見必得超凡入聖鄉題罷氣
隨滅後叅雪峯峯觀其舉止曰子作道理耶師曰何道

經云盧通考
理之有僧問佛法大意曰金鳥一點萬里無雲

杭州龍華寺靈照真覺禪師高麗人居惟一衲闍中號照
布衲僧問菩提樹下度衆生如何是菩提樹師曰大似
苦棟樹僧問故曰素非良馬何勞鞭策天福丁未寂塔
於抗之大慈山

明州翠巖令參永明禪師安吉州人

越州鏡清寺道愆順德禪師永嘉陳氏子嘗于看經次有
僧問看何經師曰吾與古人闍百草問僧外面何聲曰
蛇咬蛙聲師曰將謂衆生苦更有苦衆生僧問如何是

人無心合道師曰何不問道無心合人白雲乍可來青

嶂明月那教下碧天晉天福中寂塔于龍冊山

漳州報恩院懷嶽禪師泉州人

福州安國院弘瑄明真禪師泉州陳氏子僧問不落因緣
方便事如何師曰枯槁之士頻逢抱甕之流罕遇問如
何是高尚的人師曰河濱魚洗耳之叟磻溪絕垂釣之
人

泉州睡龍山道溥弘教禪師福唐鄭氏子僧問近入叢林
方便門中乞師指示師敲門枋問向上還有事否師再

敲門枋

南嶽金輪可觀禪師福唐薛氏子初參雲峯作禮峯令近
前一踢師忽契悟事十二年復歷叢林對衆言我遭雲
峯一踢直至如今眼不開不知是何境界

福州大普山玄通禪師本郡人

福州長生山皎然禪師本郡人閩師署禪主大師莫知所

終

信州鵝湖智孚禪師福州人

杭州西興化度院師郁悟真禪師泉州人僧問維摩與文

殊對談何事曰惟有門前鏡湖水清風不改舊時波

漳州隆壽紹卿興法禪師泉州陳氏子

福州儒宗院行瑄仁慧禪師泉州王氏子

福州蓮花院從弁超証禪師

襄州雲蓋雙泉院歸本禪師京兆人手指纖長特異于人

號手相大師

韶州泉州和尚

洛京南院和尚時有儒者博覽古今呼張百會謁師師問

莫是張百會否曰不敢師以手空中一畫曰會否曰不

會師曰一尚不會何得百會

越州洞巖可休禪師僧問如何是和尚親切為人處師曰
大海不宿死屍

定州法海院行周禪師僧問風恬浪靜時如何師曰吹倒
南墻

杭州龍井山通禪師僧究龍井龍而問龍有宗門事否師
曰有從來無影段應物不曾虧

杭州龍興宗靖禪師台州人初參雪峯克飯頭嘗於衆堂
前袒一膊釘簾峯都而記曰汝向後住持有千僧其中

無一人衲子也後錢王命居龍興寺有衆千餘惟三覺
講誦之徒果如雪峯所誌

福州南禪契璠禪師嘗語衆曰衆中有超第一義者將一
門來僧問如何是第一義師曰何不問二第義僧曰見問
師曰已落第二義矣

越州越山師魯鑒真禪師初參雪峯後闍王請于清風樓
齋忽都見日光豁然頓曉偈曰清風樓上赴官齋此日平
生眼豁開方信普通年遠事不從葱嶺帶將來歸星
雲峯峯然之臨寂偈曰眼光隨色盡耳識逐聲消還

源無別旨今日與明朝

泉州福清院玄訥禪師高麗人

衢州南臺仁禪師

泉州東禪和尚

杭州大錢山從襲禪師雪峯上足也嘗曰擊關南鼓唱雪

峯歌

福州永泰和尚

池州和龍壽昌院守訥妙空禪師福州林氏子

建州夢筆和尚閩王問將得筆來否師曰不是稽山繡管

慙非月裏兔英大王既垂顧問山僧敢不通呈

福州極樂元儼禪師

福州芙蓉山如體禪師僧問如何是古人曲調師良久曰

聞乎曰不聞示偈曰古曲發聲雄今時韻亦同若教第

一指祖佛盡迷蹤

洛京慈鶴山和尚

潭州大瀉山棲禪師

吉州湖山延宗禪師

益州普通山普明禪師

隨州雙泉山梁家庵永禪師

漳州保福院超悟禪師

太原孚上座初在揚州光孝寺講涅槃經有禪者笑其未

識法身遂徧歷諸方雪峯深器之後歸維揚陳尚書供
養於宅一日講大涅槃經報答便乃脫去

南嶽般若惟勁寶聞禪師福州人嘗註楞嚴經續寶林傳
四卷紀貞元之後宗門繼踵之源流又別著南嶽高僧
傳皆行世

青原下六世感潭資國禪師法嗣

安州白兆志圓顯教禪師僧問諸佛心印何人傳師曰達
唐大師曰達磨爭能傳得師曰汝道何人傳

青原下七世潭州霞禪師法嗣

澧州藥山禪師

青原下七世雲蓋景禪師法嗣

衡嶽南臺寺藏禪師 潭州雲蓋山證覺禪師

青原下七世烏牙賓禪師法嗣

安州大安山興古禪師 蘄州烏牙山行朗禪師

青原下七世青峯楚禪師法嗣

西州靈龕禪師 京兆府紫閣山端已禪師

房州開山懷晝禪師 幽州傳法禪師

益州淨衆寺歸信禪師 青峯山清勉禪師

青原下七世瑞巖彥禪師法嗣

南嶽橫龍和尚僧問如何是祖師燈師曰八風吹不滅
温州瑞峯院神祿禪師福州人偈曰蕭然獨處意沉吟誰
信無絃發妙音終日法堂惟靜坐更無人問本來心朋
彥郎問如何是本心來師召朋彥朋彥應諾師曰與老
僧點茶來彥于是信入

青原下七世玄泉彥禪師法嗣

鄂州黃龍山誨機超慧禪師清河張氏子初參巖頭後謁
玄泉知祖師西來意總是解粘僧問如何是大疑人曰

對坐盤中弓落蓋問如何是不疑人曰再坐盤中弓落
蓋

洛京栢谷和尚僧問普滋法雨時如何曰有道傳天位不
汲鳳凰池

懷州玄泉二世和尚 潞府妙勝玄密禪師

青原下七世羅山閑禪師法嗣

婺州明招德謙禪師受羅山印記靡滯一隅有頌示衆曰
明招一拍和入希此是真宗上妙機石火瞥然何處去
朝生之子合應知臨化偈曰蒿刀叢裏逞全威汝等諸

人善護持火裏鉄牛生犢子臨歧誰解湊吾機

洪州大寂院隱微覺寂禪師新塗揚氏子七歲依本邑道

堅禪師出家後參羅 問獅子窟出窟之要有悟回

江表龍泉宰李孟俊請居善道院闡揚宗旨

衡州華光範禪師

福州羅山紹攷禪師

西州定慧禪師

建州白雲令弁禪師

虔州天竺義澄常真禪師

吉州清平惟曠真寂禪師

婺州金柱山義昭禪師偈曰虎頭生角人難措石火電光

須密布假饒烈士也應難情底那能解回互

潭州山谷和尚

湖南道吾從盛禪師

福州羅山義因禪師

灌州靈巖和尚

吉州匡山和尚示徒頌曰匡山路匡山路巖崖險峻人難措遊

人擬議隔千山一句分明起佛祖白牛頌曰我有古壇真白

牛父子藏來經幾秋出門直往孤峯頂回來暫跨

虎谿頭

福州興聖重滿禪師

潭州寶應清進禪師

青原下七世玄妙偈禪師嗣

漳州羅漢院桂琛禪師常山李氏子童時日一素食出言

有異既冠事本府萬歲寺無相大師披剃一日言曰持戒但律身而已非真解脫也依文作解豈發聖智於是訪南宗初謁雲居雪峯猶未有見後造玄沙廓爾無惑僧問如何是羅漢一句師曰我若說與汝便成兩句問會的人來師還接否師曰誰是不會者舉拂子示僧曰會否僧謝慈悲示教師曰舉拂子便道示教汝每日見山見水可不相示天成三年寂茶毗收舍利建塔于院之西隅謚真應禪師

杭州天龍寺重機明真禪師台州人得法玄沙復回浙中錢武肅王請出世開法頌曰盲聾瘖瘂是仙陀滿眼時人不柰何須向目前深體妙身心萬象與森羅

福州仙宗院契符讚法禪師 婺州國泰院瑠禪師

福州升山白龍院道希禪師本郡人僧問如何是真正道師曰騎驢覓驢

福州安國院慧球寂照禪師莆田人示衆曰若從文殊門入者一切無為土木瓦礫助汝發機若從觀音門入者一切音響蝦蟇蚯蚓助汝發機若從普賢門入者不動步而到以此三門方便示汝

衡嶽南臺誠禪師

福州螺峯冲奧明法禪師嘗言人人具足人人成現爭怪得老僧珍重

泉州睡龍山和尚

天台山雲峯光緒至德禪師上堂曰但以衆生日用不知譬如三千大千世界日月星辰江淮河濟一切含靈從一毛孔入一毛孔毛孔不小世界不大其中衆生不覺不知若要易會上座日用亦復不知

福州大章山契如庵主本郡人玄沙記曰子禪已逸格則他後要一人侍立也無隱于小界山大朽朽穴若小庵然僅容身而已豺虎至庵前自然馴逸

福州蓮華山永興神祿禪師

天台國清寺師靜上座有人問弟子每當夜坐心念紛飛未明攝伏之方願垂示誨師曰如或夜間安心念紛飛却將紛飛心究紛飛處究之無處則紛飛之念何存及究究心則能究之心安在又能照之智本空所緣之境亦寂寂而非寂者無能寂之人也照而非照者無所照之境也境智俱寂心慮安然外不尋枝內不性定二途

俱泯一性怡然此乃還源之要道

青原下七世長慶稜禪師法嗣

泉州招慶院道匡禪師潮州人

婺州報恩院寶資曉悟禪師 處州翠峯從欣禪師

襄州鷲嶺朗遠禪師 杭州保安連禪師

杭州龍華寺考球寶相得一禪師

福州保慈寺光雲慧覺禪師

廬山開先寺紹宗員智禪師姑蘇人

杭州傾心寺法瑄宗一禪師 福州水陸院洪儼禪師

杭州靈隱寺廣嚴院咸澤禪師

福州報慈寺慧朗禪師 福州長慶院常慧禪師

福州枕峯觀音院清換禪師

福州石佛院靜禪師 福州東禪契訥禪師

福州長慶院弘辯妙果禪師 福州僊宗院守珙禪師

福州東禪院可隆了空禪師 福州閩山今含禪師

福州永安懷烈淨悟禪師 新羅國龜山和尚

吉州資國院道殷禪師 福州祥光院澄靜禪師

杭州報慈寺從環禪師福州陳氏子

杭州龍華寺契盈廣辯周智禪師

青原下七世保福展禪師法嗣

漳州延壽寺慧輪禪師

漳州保福可儔禪師

福州海會院如新禪師

洪州潭江慧康禪師

福州報慈寺文欽禪師僧問如何是平常心合道師曰喫

茶喫飯隨時過看水看山實暢情

泉州萬安院清運資化禪師

泉州鳳凰山從琛洪忍禪師

洪州青泉山守清禪師福州人

福州永隆院明慧瀛禪師 漳州報恩院道熙禪師

漳州報恩院行崇禪師 漳州嶽麓山和尚

朗州德山德海禪師

泉州後招慶和尚僧問末後一句請師商議師曰塵中人

自老天際月常明問如何是和尚家風曰一瓶兼一鉢

隨處是生涯問如何是佛法大意曰擾擾忽忽晨雞暮

鐘

禹州梁山簡禪師

洪州建山澄禪師僧問如何是法王劍師曰可惜許又問

如何是人王劍師曰塵埋床下履風動架頭巾

泉州招慶院省澄淨修禪師示坐禪者曰大道分明絕點
塵何須長坐始相親感遊泉石或闌闔可謂烟霞物外
人

福州康山契穩法實禪師 泉州西明院琛禪師

青原下七世鼓山晏國師法嗣

杭州天竺子儀心印水月禪師樂清陳氏子

建州白雲智作真寂禪師永真朱氏子

鼓山智嚴了覺禪師 泉州鳳凰山彊禪師

福州龍山智嵩妙虛禪師 福州龍山文義禪師

福州鼓山智岳了宗禪師本郡人

襄州定慧禪師

福州鼓山清諤宗曉禪師

金陵淨德院冲照慧悟禪師福州和氏子

金陵報恩院清護崇恩妙行禪師福州長樂陳氏子六歲

禮鼓山披剃僧問諸佛出世天花亂墜和尚出世有何

祥瑞師曰昨日新雷發今朝細雨飛

青原下七世龍華照禪師法嗣

台州瑞巖師進禪師

台州六通院志球禪師

杭州雲龍院歸禪師

杭州功臣院道閑禪師

福州報國院照禪師

台州白雲院迺禪師

青原下七世翠巖叅禪師法嗣

杭州龍冊寺子興明悟禪師

温州雲山佛嶼院知默禪師

青原下七世鏡清怱禪師法嗣

越州青化師訥禪師

衢州南禪遇緣禪師

福州資福院智遠禪師福州人

衢州烏巨山儀晏開明禪師吳興許氏子乾符三年將誕

之夕異香滿室紅光如晝光啓中隨父鎮信安強為娶

而不願遂遊歷諸方機契境清歸省父母乃于郭南創

別室以遂師志舍旁陳司徒廟有凜禪師像師往瞻禮

失師所之後郡守展祀祠下見師入定于廟後叢竹間

蟻蠹其衣敗葉沒膝或云是許鎮將子也自此三昧或

出感入嘗為德嚴禪師摘桃浹旬不歸往尋之見攀桃

倚石泊然入定開運中入定于江即岩石龕一年徐起

了無異容後圖事之者皆獲舍利錢忠懿王感師見夢

適患目疾圖像展禮目疾隨愈端拱初迎入便殿禮送
還山淳化元年寂壽一百十五閣維日白光燭天舍利
五色邦人以骨塑像至今州郡雨暘禱之如響

青原下七世報恩巖禪師法嗣

潭州妙濟院師浩傳心禪師

青原下七世安國瑄禪師法嗣

福州安國縣從貴禪師 福州白鹿貴禪師

福州怡山長藏用禪師 福州羅山義聰福師

福州永隆院彦端福師

福州林陽瑞峯院知端禪師本州人初叅安國見國舉一

指示僧僧不悟而端已點省乃入室自國然之開寶

元年八月遺偈曰來年二月二別汝暫相棄燒灰散

四林免占檀那地至期果寂

福州德宗院明禪師示衆曰若能紹得門風不在三界若

出三界即壞三界若在三界即礙三界不礙不壞是

出三界是不出三界

福州安國院祥禪師

青原下七世睦溥禪師法嗣

漳州保福院清懿禪師福州人臨寂時偈曰世人休說路
行難鳥道羊腸咫尺間珍重苧谿谿畔水汝歸滄海我歸
山即往貴湖卓庵命門人以遺骸施虫蟻勿置坟塔既
而延留七日無虫蟻侵食遂就闍維散林野

青原下七世金輪觀禪師法嗣

南嶽金輪和尚

青原下七世白兆圓禪師法嗣

鼎州大龍山智洪弘濟禪師襄州白馬山行雲禪師

安州白兆三乾院懷楚禪師

蘄州四祖山清皎禪師福州王氏子清皎偈曰吾八十八

滿頭垂白髮顯顯鎮雙峯明明千江月黃梅揚祖教白

白兆承宗訣日日告兒孫勿令有斷絕

蘄州三角志操禪師晉州興教師普禪師

蘄州三角真鑑禪師郢州大陽山行冲禪師

青原下八世黃龍機禪師法嗣

洛京紫蓋善沼禪師眉州黃龍繼達禪師

興元府玄都山澄禪師棗樹二世和尚

鄂州黃龍智顯禪師嘉州黑水和尚

眉州昌福達禪師

青原下八世明招德謙禪師法嗣

處州報恩契從禪師

婺州普照喻禪師

婺州雙溪保初禪師

處州湧泉究禪師

衢州羅溪義禪師

青原下八世羅漢琛禪師法嗣

襄州青谿山洪進禪師

昇州青涼縣休復悟空禪師北海王氏子幼出家十九納戒依地藏經年不契直得成病因指燈籠有省天福八

年致書辭國主定時入城及期端坐而寂國主致祭茶毗收舍利建塔

撫州龍濟紹修禪師嘗言聲色不到處病在見聞言詮不及處過石吻又頌曰風動心搖樹雲生性起塵若明今日事昧却本來人

潞州延慶院傳殷禪師

衡嶽南臺守安禪師頌曰臺臺靜坐一爐香終日凝然萬慮亡不是息心除妄想都緣無事可思量

杭州天龍寺清慧秀禪師

青原下八世天龍機禪師法嗣

高麗雪嶽令禪師

青原下八世僊宗符禪法嗣

福州僊宗洞明真覺禪 泉州福清行欽廣法禪師

青原下八世國泰瑄禪師法嗣

婺州齊雲寶勝禪師

青原下八世白龍希禪師法嗣

福州廣平玄旨禪師 臨州昇山白龍清泉禪師

福州靈峰志恩禪師 福州東玄亮禪師

漳州報叻院玄應定慧禪師 晉江吳氏子刺史陳文顯叔

院請師開法後自知逝期先書謝陳公誠門人不得喪

服哭泣言訖而寂

青原下八世招慶匡禪師法嗣

泉州報恩院宗顯明慧禪師

金陵龍光院澄杞禪師 廣州人有僧新叅師問汝是江南

來曾禮拜渡江船子否曰何為拜他師曰渡汝者是善

知識

永興北院可休禪師

郴州太平院清海禪師

連州慈雲慧深普廣禪師 鄂州興陽山道欽禪師

青原下八世報恩資禪師法嗣

虔州福林澄禪師

青原下八世翠峰欣禪師法嗣

虔州報恩守真禪師

青原下八世鷲嶺遠禪師法嗣

襄州鷲嶺通禪師

青原下八世龍華球禪師法嗣

杭州仁王院俊禪師

酒仙遇賢禪師長洲林氏子母夢大珠而孕七歲沉大淵

衣不潤遂出家叅龍華發明心印回居明覺院惟事飲

酒醉則成歌祥符二年寂

青原下八世笑壽輪禪師法嗣

廬山歸宗道詮禪師吉州劉氏子雍熙二年寂

潭州龍興裕禪師

青原下八世保福豁禪師法嗣

漳州隆壽無逸禪師

青原下八世大龍洪禪師法嗣

廬山通志
鼎州大龍山景如禪師

鼎州大龍山楚勳禪師

興元府普通院從善禪師

青原下八世白馬靄禪師法嗣

襄州白馬智倫禪師

青原下八世白兆楚禪師法嗣

唐州保壽匡祐禪師

青原下九世黃龍達禪師法嗣

眉州黃龍禪師

青原下九世清谿進禪師法嗣

相州太平山從漪禪師

廬山圓通緣德禪師臨安黃氏子僧問如何是四不遷曰

地水火風曹翰渡江入寺禪者驚走師設坐如平旦不

起不揖翰怒訶曰長老不聞殺人不眨眼將軍乎師熟

視曰汝安知有不懼生死和尚翰大奇加敬因問禪者

何為而散曰擊鼓自集翰使人擊鼓無集者師曰公有

殺心故耳乃自起之禪者畢集太平興國二年令門

下累青石為塔曰他日塔紅吾再生言訖而逝謚道濟

禪師

經文廣通元
青原下九世清涼復禪師法嗣

昇州奉先寺慧同淨照禪師魏府張氏子

青原下九世龍濟修禪師法嗣

河東廣原禪師

青原下九世南臺安禪師法嗣

襄州鷲嶺善美禪師

青原下九世歸宗詮禪師法嗣

瑞州九峯義詮禪師

青原下九世隆壽逸禪師法嗣

隆壽法騫禪師泉州施氏子

青原下八世羅漢琛禪師法嗣

法眼宗

金陵清涼院文益禪師餘杭魯氏子希覺目為禪門游夏

周顥德五年寂壽七十有四謚大法眼禪師塔曰無相後

李主叔報慈院命師門人玄覺為導師開法再謚大

智藏大導師

青原下九世清涼益禪師法嗣

天台山德韶國師龍泉陳氏子遊天台觀智者顥禪師遺

蹤有若舊居時謂陳智者後身開寶四年寶頂西峯忽

推師曰吾非久矣明年大星隕峯頂師乃寂于蓬華峯
金陵清凉奏欽法燈禪師魏府人開寶七年寂

杭州靈隱清聳禪師福州人初參法眼眼指雨謂曰滴滴
落在上座眼裏師不喻旨後因閱華嚴感悟

廬山歸宗義柔禪師

洪州百丈道恒禪師

杭州永明寺道潛和尚河中府武氏子初參法眼許其有
五百毳徒為王侯所重後駐錫于衢州古寺閱大藏經
錢忠懿王命入府受菩薩戒署慈化定慧禪師建大迦
藍號慧日永明請居之王嘗夢十六尊者乞隨即_寺大迦

而果請塔下羅漢銅像過新寺供養王嘆其照應

杭州報恩慧明禪師姓蔣氏初遊閩越回鄞水大梅山庵
欲整玄沙正宗至漢乾祐中忠懿王延入府問法命住
資崇院嘗與天龍資嚴辯詰王大喜署玄通普照禪師
金陵報慈行言玄覺禪師泉州人江南國主建報慈院命
師大闡宗猷海會二千餘衆別署道師之號

撫州崇壽院契稠禪師泉州人

金陵報恩院法安慧濟禪師太和人江南國主請居報恩
署號攝衆開寶中寂于本院

廬州長安院延規禪師

南康軍雲居山清錫禪師泉州人住泉州西明院有廖天使見供養法眼和尚真問曰真前何果曰是假果天使曰假果何為供養師曰祇要天使識得假

常州正勤院希奉禪師蘇州謝氏子

漳州羅漢智依宣法禪師

金陵鍾山章義院道欽禪師太原人初住廬山棲賢嘗曰道遠乎哉觸事而真聖遠乎哉體之則神

金陵報恩匡逸禪師明州人江南國主請居上院男凝密

禪師

金陵報慈文遠尊師杭州陵氏子嘗注釋楞嚴法眼問楞嚴八還義曰明還甚麼師曰明還日輪曰日還甚麼師無對眼令焚所注文師自此服膺請益始忘知解金陵國王署雷音覺海大道師

漳州羅漢院守仁禪師泉州人

撫州黃山良匡禪師吉州人

金陵報恩院玄則禪師滑州衛南人

金陵淨德院智筠達觀禪師河中府王氏子初住棲賢江

南國主叔淨德院延請居之署達觀禪師後辭歸故中國主錫以五峯樓玄蘭若

高麗國道峯山慧炬國師

杭州真身寶塔寺紹巖禪師雍州劉氏子吳越王命師開法署了空大智常照禪師開寶四年寂

台州般若寺敬道通慧禪師自述真讚曰真兮廖廓郢人圖履嶽聳雲空登潭月躍

廬山歸宗策貞法施禪師曹州魏氏子

洪州同安院紹顯禪師 廬山棲賢慧圓禪師

洪州觀音院從顯禪師泉州人太平興國八年謂禮那袁

長史曰老僧三兩日間歸鄉去袁曰和尚年尊何更思鄉師曰歸鄉圖得好益吃袁不測所言翌日無疾生亡

袁建塔西山

洛京興善棲倫禪師 洪州嚴揚新興院齊禪師

潤州慈雲匡連禪師 蘇州薦福院紹明禪師

澤州古賢院謹禪師

宣州興福院可勳禪師建州朱氏子有偈曰秋江煙島晴

鷗鷺行行立不念觀世音爭知普門入

洪州上藍院守訥禪師

廬山化城寺慧朗禪師

杭州奉先寺法明普照禪師

杭州慧日永明寺道鴻通辯禪師

高麗國靈鑿禪師

荆門上泉和尚

廬山大林寺僧道禪師

池州仁王院緣勝禪師

青原下十世天台韶國師法嗣

杭州慧日永明延壽智覺禪師餘杭王氏子弱冠時不

葷日惟一食持法華經七行俱下纔六句悉能誦之感

群跪聽徃天台天柱峯九旬習定有鳥類乍鷓鴣巢于衣

禪中住雪竇有偈曰孤猿叫落中巖月野客吟殘半夜

燈此境此時誰得意白雲深處坐禪僧忠懿王請開山

靈隱寺新明年遷永明大道場居五載度弟子一千七

百人開寶七年入天台山著宗鏡錄一百卷偈賦咏凡

千萬言高麗國王執弟子禮餽奉甚隆彼國僧三十六

人各承印記歸化一方開寶八年寂塔于大慈山

蘇州長壽院朋彥廣法禪師永喜秦氏子

温州大寧院可弘禪師

杭州五雲山華嚴院志逢禪師餘杭人生惡葷血膾體香

潔嘗夢須彌山叅三佛初釋迦次彌勒惟不識第三尊
釋尊謂之曰此是補彌勒處師子月佛後因閱大藏經
乃符所夢吳越國王嘗召賜紫衣署普禪師命住臨安
功臣院開寶四年大將凌超于五雲山寂院奉師為
終老所師每携一犬乞錢買肉飼虎虎每迎之載以還
山雍熙二年寂塔于本院

杭州報恩法端慧月禪師

杭州報恩紹安通辯明達禪師

福州廣平院守威宗一禪師本州人

杭州報恩永安禪師温州翁氏子開寶七年跏趺而寂闍
維古根不壞柔輒如紅蓮華藏于普賢道場

廣州光聖院師護禪師閩人

杭州奉先寺清昱禪師永嘉人忠懿王召入問道叔奉先
居之署圓通妙覺禪師

台州紫凝普聞寺智勤禪師太平興國四年有旨試僧經
業山門老宿各寫法名惟師不閉書札時通判李憲問
世尊還解書也無師曰天下人知淳化初安生逝塔于
本山三年後門人遷塔發龕儀容儼若髭髮仍長遂迎

入新塔

温州馮蕩山灝齊禪師蘇州人忠懿王命主越州清泰署
慧智太平興國三年賜紫衣號慧明禪師端拱中還故
里賜御製詩至道三年寂塔于院之西北隅

杭州光慶寺遇安禪師錢塘沈氏子

婺州智寺全肯禪師初參國師通名全肯國師曰汝肯何
事師于言下有省乃禮拜

杭州龍冊寺曉榮禪師温州鄧氏子

福州玉帛義隆禪師
杭州功臣慶肅禪師

越州稱心敬璉禪師
福州嚴峯師水禪師

潞州華嚴慧達禪師
越州清泰院道圓禪師

杭州九曲觀音院慶祥禪師餘杭人

杭州開化寺行明傳法禪師本州于氏子

越州漁浦開善寺美圓禪師

温州瑞鹿寺上方遇安禪師福州人嘗閱楞嚴經到知見
立知即無明本知見無見斯即涅槃師乃破句讀曰知
見立句知即無明本句知見無句見斯即涅槃于此有
悟有人語師曰破句了師曰此是我悟處畢生不易時

號安楞嚴至道元年寂經三日門人啓棺覩師右脅吉祥而卧四衆哀慟師乃再起升堂說法呵責垂戒比後再啓吾棺者非吾子復入棺卧

杭州龍華寺慧居禪師閩人自天台領旨忠懿王命住上寺婺州齊雲山遇臻禪師越州楊氏子

温州瑞鹿寺本先禪師本州鄭氏子參天台國師有悟大中祥符元年命上足如畫造石龕中秋望日將順化至期參問如常奄開一目微視逝

杭州興教洪壽禪師

蘇州承天永安道原禪師進景德傳燈錄

青原下十世清涼欽禪師法嗣

洪州雲居道齊禪師本州金氏子至道三年寂塔于本山

青原下十世靈隱聳禪師法嗣

杭州功臣院道慈禪師 處州報恩院師智禪師

秀州羅漢院願照禪師錢塘人

衢州澱寧可先禪師 杭州光孝院道端禪師

杭州西山保清院遇寧禪師

杭州瑞龍院希圓禪師

續文獻通考

福州支提雍熙辯隆禪師明州人

青原下十世歸宗柔禪師法嗣

南漢軍羅漢行林祖印禪師 明州天童新禪師

杭州功臣覺軻心印禪師

明州天童清簡禪師錢塘張氏子

青原下十世百丈恒禪師法嗣

廬山樓賢淨湜禪師 蘇州萬福德興禪師

越州雲門雍熙永禪師

青原下十世永明睿禪師法嗣

杭州千光王寺環省禪師溫州鄭氏子誦經既久夢日輪

自空而降開口吞之開寶五年七月實樹浴池忽見其

前師曰凡所有皆是虛妄越三日安坐而逝闍維收舍利

建塔

衢州鎮境志澄禪師 明州崇福院慶祥禪師

青原下十世報恩明禪師法嗣

福州保明院道誠通法禪師

青原下十世報慈言尊師法嗣

南康軍雲居義能禪師

青原下十世崇壽稠禪師法嗣

泉州雲台山令峯禪師
杭州資國圓進山主

淨土惟素禪師

青原下十世感恩安禪師法嗣

廬山歸宗慧誠禪師揚州人
廬山棲賢道堅禪師

青原下十世長安規禪師法嗣

潭州雲蓋用清禪師河州趙氏子至道二年逝

廬州長安院辯實禪師

青原下十世雲居錫禪師法嗣

台州般若從進禪師
越州清化志超禪師

青原下十一世長壽彥禪師法嗣

蘇州長壽法齊禪師婺州人

青原下十一世雲居齊禪師法嗣

明州瑞岩義海禪師雲川人
南康雲居契環禪師

杭州靈隱文勝慈濟禪師
明州廣慧志全禪師

明州大梅保福居煦禪師
荆門軍清溪清禪師

處州南明惟宿禪師

青原下十二世支提隆禪師法嗣

杭州靈隱玄本禪師

青原下十一世羅漢休禪師法嗣

臨江軍慧力院紹珍禪師

青原下十一世功臣軻禪師法嗣

蘇州吳江

志昇禪師

蘇州堯峯顯暹禪師

杭州功臣

守如禪師

青原下十一世棲賢湜禪師法嗣

杭州南山興教院惟一禪師

真州定山惟素山主

安吉州西余體柔禪師

青原下十一世淨土素禪師法嗣

杭州淨土院惟正禪師秀州華亭黃氏子幼從錢塘資聖
院本如隸業且將較藝于有司如使鑄觀音像以求陰
相師對曰豈忍獨私于己哉邑人朱紹安聞而嘉嘆毳
袍且敝同列慢之有願輸奉歲時用度者又皆力辭愛
跨黃犢出入平生製作三十卷號錦溪集又工書筆法
勝絕秦少游珍藏之冬不擁爐以荻花作毳紉足其中
客至共之夏秋好玩月盤膝大盆中浮池上自旋其盆
吟笑連旦有問曰師以禪名乃不談禪何也師曰徒費

言語皇祐元年一日語衆曰吾動歷六十有四今靜矣
動靜本何有泊然而逝

青原下十二世靈隱勝禪師法嗣

杭州靈隱延珊慧明禪師 常州薦福院歸則禪師

青原下十二世瑞巖海禪師法嗣

明州翠巖嗣元禪師

續文獻通考卷之二百五十一終

